



ñi ma gën a bëgg ci yéen, te gën maa jege ëllëg bis-pénc, ñooy ñi gën a rafet jikkó ci yéen

Jële nañu ci Jaabir -yal na ko Yàlla dollee gërëm- mu jële ci Yonente Yàlla bi -yal na ko Yàlla dolli xéewal ak mucc- mu wax ne: "ñi ma gën a bëgg ci yéen, te gën maa jege ëllëg bis-pénc, ñooy ñi gën a rafet jikkó ci yéen, waaye ñi ma gën a bañ ci yéen te gën maa sori ëllëg bis-pénc, ñooy coowkat yi, ak puukarekat yi, ak ñiy rëy-rëylu", ñu ne ko:yaw Yonente Yàlla bi, nun xam nanu coowkat yi ak puukarekat yi, kon lan mooy al-mutafayxihuuna? Mu ne leen: mooy: ñiy rëy-rëylu".

[Wér na] [At-tirmisiy soloo na ko]

Yonente bi yal na ko Yàlla dolli xéewal ak mucc xamle na ne ñi mu gën a bëgg ci yéen ci àdduna, ak ñi ko gën a jege ëllëg bis-pénc ñooy ñi gën a rafet jikkó ci yéen, ak ne ñi mu gën a bañ ci yéen ci àdduna, ñu gën ko a sori ëllëg bis-pénc ñooy ñi gën a ñaaw jikkó ci yéen; (coowkat yi) ñi bari wax ci ag dëgëral ak génndëgg ga, (ak puukarekat yi) ñiy yaatal ci wax ngir jaay man a wax ak màggal seen i wax ci ku dul fegu ak moytu, (ak ñiy rëy-rëylu), ñu ne ko: yaw Yonente Yàlla bi, nun de xam nanu coowkat yi ak puukarekat yi, lan mooy mutafayxihuuna? Mu ne: ñooy ñiy rëy-rëylu di yéjji nit ñi ñiy ubbi seen gémmiñ yi di wax lu bari.

<https://sunnah.global/hadeeth/wo/show/5802>

